



PEJABAT SETIAUSAHA KERAJAAN
SELANGOR DARUL EHSAN
BAHAGIAN PENGURUSAN SUMBER MANUSIA
TINGKAT 3, BANGUNAN SULTAN SALAHUDDIN ABDUL AZIZ SHAH
40503 SHAH ALAM
SELANGOR DARUL EHSAN



**“KEJUJURAN DAN KETEKUNAN”
“PRODUKTIVITI TINGGI AMALAN KITA”**



Ruj. Kami : dlm.IPK.Sel. 3880 Jld.2 (๑๐)

Tarikh : Syawal 1429H
13 Oktober 2008

- SENARAI EDARAN SEPERTI DI LAMPIRAN -

Y.Bhg.Dato' / Y.Bhg.Datin Paduka /Tuan / Puan,

**SURAT PEKELILING PERKHIDMATAN YANG TERUS DITERIMAPAKAI
OLEH PENTADBIRAN SETIAUSAHA KERAJAAN NEGERI SELANGOR**

Dengan hormatnya saya diarah merujuk kepada perkara di atas.

2. Bersama - sama ini dilampirkan Surat Pekeliling Perkhidmatan Bilangan 14 Tahun 2008 – **Pelanjutan Had Umur Maksimum Pelantikan Secara Kontrak Bagi Pegawai Warganegara (Bukan Pesara) dan Bukan Warganegara** yang dikeluarkan oleh Jabatan Perkhidmatan Awam untuk terus digunakan tanpa kelulusan daripada Majlis Mesyuarat Kerajaan Negeri (MMKN).


Sekian, terima kasih.

“BERKHIDMAT UNTUK NEGARA”

Saya yang menurut perintah,

(SITI MUNIRAH BINTI IBNI HAJAR)
Setiausaha Bahagian,
Bahagian Pengurusan Sumber Manusia,
b.p. Setiausaha Kerajaan Negeri Selangor.

(Sila catatkan rujukan kami apabila berhubung)



KERAJAAN MALAYSIA

SURAT PEKELILING PERKHIDMATAN BILANGAN 14 TAHUN 2008

**PELANJUTAN HAD UMUR MAKSIMUM PELANTIKAN SECARA
KONTRAK BAGI PEGAWAI WARGANEGARA (BUKAN PESARA) DAN
BUKAN WARGANEGARA**

TUJUAN

1. Surat Pekeliling Perkhidmatan ini bertujuan memaklumkan keputusan Kerajaan meminda had umur maksimum pelantikan secara kontrak bagi pegawai warganegara (bukan pesara) dan bukan warganegara kepada 58 tahun.

LATAR BELAKANG

2. Kerajaan telah bersetuju untuk melanjutkan umur persaraan wajib pegawai tetap dalam sektor awam (meliputi pegawai Perkhidmatan Awam Persekutuan dan Negeri serta pekerja Pihak-Pihak Berkuasa Berkanun dan Tempatan) daripada 55/ 56 tahun kepada 58 tahun berkuat kuasa mulai 1 Julai 2008 seperti yang dijelaskan dalam Pekeliling Perkhidmatan Bilangan 6 Tahun 2008.

3. Perubahan ini turut memberi kesan kepada syarat had umur maksimum 56 tahun yang ditetapkan bagi pelantikan secara kontrak di kalangan pegawai warganegara (bukan pesara) dan bukan warganegara mengikut Pekeliling Perkhidmatan Bilangan 2 Tahun 2008 (PP 2/2008) – Dasar dan Prosedur Pelantikan Secara Kontrak (Contract of Service). Oleh itu, peraturan yang berkaitan dengan had umur maksimum tersebut perlu dipinda.

PERATURAN BARU

4. Selaras dengan keputusan Kerajaan tersebut, had umur maksimum bagi pelantikan secara kontrak yang melibatkan pegawai warganegara (bukan pesara) dan bukan warganegara dalam PP 2/2008 adalah **dipinda kepada umur 58 tahun**.

PELAKSANAAN

5. Bagi melaksanakan keputusan ini, Ketua Jabatan hendaklah menentukan pegawai yang dilanjutkan pelantikan secara kontrak mengikut had umur maksimum yang baru ini dibuat atas keperluan perkhidmatan, prestasi kerja yang baik dan pegawai disahkan sihat oleh pengamal perubatan berdaftar.

PEMAKAIAN

6. Semua Pihak Berkuasa Perkhidmatan Awam Negeri, Pihak Berkuasa Berkanun (Persekutuan dan Negeri) dan Pihak Berkuasa Tempatan hendaklah menerima pakai Surat Pekeliling Perkhidmatan ini supaya segala keputusan Kerajaan berkaitan dengan pelantikan secara kontrak dapat dikuatkuasakan dengan seragam.

PEMBATALAN

7. Dengan berkuat kuasanya Surat Pekeliling Perkhidmatan ini, peraturan yang berkaitan dengan had umur maksimum 56 tahun bagi pelantikan secara kontrak pegawai warganegara (bukan pesara) dan bukan warganegara di perenggan 13.2 (ii), PP 2/2008 adalah dibatalkan.

TARIKH KUAT KUASA

8. Peraturan baru ini berkuat kuasa mulai tarikh Surat Pekeliling Perkhidmatan ini dikeluarkan.

“BERKHIDMAT UNTUK NEGARA”



(TAN SRI ISMAIL ADAM)
Ketua Pengarah Perkhidmatan Awam
Malaysia

**JABATAN PERKHIDMATAN AWAM
MALAYSIA
PUTRAJAYA**

16 September 2008

Semua Ketua Setiausaha Kementerian
Semua Ketua Jabatan Persekutuan
Semua Y.B. Setiausaha Kerajaan Negeri
Semua Pihak Berkuasa Berkanun
Semua Pihak Berkuasa Tempatan